

第五四三册

博物彙編

草木典

海芋部 海根部 澤漆部 澤瀉部

部 沙參部 水英部 水松部

垣衣部
屋遊部

葶藶部 疾藟部 芎藭部

薛荔部
蓼藎部
菱荇部

蕪荊部
薺危部
蓬蘽部
蓼荷

20

薄荷部 藥蕒部 茵陳部 葛藟部

附錄

馮繁部 華茂部 蔭茂部 蔭茂部

音

麥韻音 齊韻音 裴韻音 齊韻音

部
苴部
莠部

豆蔻部
薊整部
陸英部
卷柏

部

杜若部
杜衡部
藿香部
藕車

部

升麻部
藁本部
柴胡部
前胡

部

畢盧部 毛良部 厥蓋部 香鹽

部 長松部 松蘿部

枳椇部 桔梗部 莢蒾部 薇榆

尚

黃經部
黃審部

黃 部 黃 通 音

(卷)

一四六

一四七

一四八

四九

OWI

100

1	1
2	2
3	3
4	4
5	5
6	6
7	7
8	8
9	9
10	10
11	11
12	12
13	13
14	14
15	15
16	16
17	17
18	18
19	19
20	20
21	21
22	22
23	23
24	24
25	25
26	26
27	27
28	28
29	29
30	30
31	31
32	32
33	33
34	34
35	35
36	36
37	37
38	38
39	39
40	40
41	41
42	42
43	43
44	44
45	45
46	46
47	47
48	48
49	49
50	50
51	51
52	52
53	53
54	54
55	55
56	56
57	57
58	58
59	59
60	60
61	61
62	62
63	63
64	64
65	65
66	66
67	67
68	68
69	69
70	70
71	71
72	72
73	73
74	74
75	75
76	76
77	77
78	78
79	79
80	80
81	81
82	82
83	83
84	84
85	85
86	86
87	87
88	88
89	89
90	90
91	91
92	92
93	93
94	94
95	95
96	96
97	97
98	98
99	99
100	100

111

三

古今圖書集成

中華書局影印

Z 225

3

欽定古今圖書集成博物彙編草木典

第一百四十卷目錄

海芋部彙考

海芋圖

本草綱目 海芋 附透山根

海芋部藝文

海芋贊

宋朱祁

海根部彙考

本草綱目 海根

澤漆部彙考

澤漆圖

徐光啓農政全書 澤漆考

本草綱目 澤漆

澤瀉部彙考

澤瀉圖一

澤瀉圖二

詩經 澤瀉 澤瀉

爾雅 澤瀉

毛詩陸疏廣要 言采其實

徐光啓農政全書 澤瀉考

本草綱目 澤瀉 附酸忌

沙參部彙考

沙參圖

杏葉沙參圖

細葉沙參圖

徐光啓農政全書 沙參考 細葉沙參考

本草綱目 沙參

水英部彙考

水英圖

本草綱目 水英

水松部彙考

豬含南方草木狀 水松

本草綱目 水松

垣衣部彙考

垣衣圖

本草綱目 垣衣

垣衣部藝文

賦得垣衣

唐李益

垣衣部選句

垣衣部雜錄

屋遊部彙考

本草綱目 屋遊

草木典第一百四十卷

海芋部彙考

釋名

海芋 綱目

天荷 綱目

羞天草 庚辛 玉蘭

透山根 附

野芋 綱目

觀音蓮 綱目

隔河仙 方士名

海芋圖

本草綱目

海芋集解

李時珍曰海芋生蜀中今亦處處有之春生苗高四五尺大葉如芋葉而有幹夏秋間抽莖開花如一瓣蓮花碧色花中有藥長作穗如觀音像在圓光之狀故俗呼爲觀音蓮方士號爲隔河仙云可變金其根似芋魁大者如升盤長六七寸蓋野芋之類也庚辛玉冊云羞天草陰草也生江廣深谷澗邊其葉極大可以禦雨葉背紫色花如蓮花根葉皆有大毒可燬粉霜硃砂小者名野芋宋祁海芋贊云木幹芋葉擁腫盤戾農經弗載可以治癰

氣味

辛有大毒

主治

李時珍曰瘡瘡毒腫風癰伏礪砂

附錄透山根

李時珍曰按嶠嶼神書云透山根生蜀中山山谷草類藤蕪可以點鐵成金昔有人采藥誤斫此草刀忽黃

海根部彙考

圖缺

本草綱目

海根集解

陳藏器曰生會稽海畔山谷莖赤葉似馬蔘根似菝
蕹而小胡人蒸而用之也

根氣味

苦小溫無毒

根主治

陳藏器曰霍亂中惡心腹痛鬼氣疰忤飛尸喉痺蠱
毒癰疽惡腫赤白遊癬蛇犬咬毒酒及水磨服并傳
之

澤漆圖



徐光啓農政全書

澤漆考

本草一名漆莖大戟苗也生泰山川澤及冀州鼎州
明州今處處有之苗高二三尺科又生莖紫赤色葉
似柳葉微細短開黃紫花狀似杏花而瓣頗長生時
摘葉有白汁出亦能嚙刺人故以爲名味苦辛性微
寒無毒一云有小毒一云性冷微毒小豆爲之使惡
薯蕷今膏葉味苦澀食過同味甜

救饑

采葉及嫩莖煤熱水浸淘淨油鹽調食采嫩葉蒸過
曬乾做茶喫亦可

本草綱目

澤漆釋名

陶弘景曰是大戟苗生時摘葉有白汁故名澤漆亦
嚙人

集解

別錄曰澤漆大戟苗也生泰山川澤三月三日七月
七日采莖葉陰乾

海芋部藝文

海芋贊

宋宋祁

生不高四五尺葉似芋而有幹根皮不可食方家
號隔河仙云可用變金或云能止瘧
木幹芋葉擁腫盤戾農經弗載可用治癰

大明曰此即大戟花也川澤中有莖梗小花黃色葉似嫩菜五月采之

蘇頌曰今冀州鼎州明州及近道皆有之

李時珍曰別錄陶氏皆言澤漆是大戟苗日華子又言是大戟花其苗可食然大戟苗洩人不可為菜今考土宿本草及寶藏論諸書並云澤漆是貓兒眼睛草一名綠葉綠花草一名五鳳草江湖原澤平陸多有之春生苗一科分枝成叢柔莖如馬齒莧綠葉如苜蓿葉葉圓而黃綠頗似貓睛故名貓兒眼莖頭凡五葉中分中抽小莖五枝每枝開細花青綠色復有小葉承之齊整如一故又名五鳳草綠葉綠花草插莖有白汁粘人其根白色有硬骨或以此為大戟苗者誤也五月采汁糞雄黃伏鍾乳結草砂據此則澤漆是貓兒眼睛草非大戟苗也今方家用治水蠱脚氣有效尤與神農本文相合自漢人集別錄誤以為大戟苗故諸家襲之爾用者宜審

草葉氣味

苦微寒無毒

別錄曰辛

大明曰冷有小毒

徐之才曰小豆為之使惡薯蕷

主治

本經曰皮膚熱大腹水氣四肢面目浮腫丈夫陰氣不足

別錄曰利大小腸明目輕身

蘇恭曰主蠱毒

大明曰止瘧疾消痰退熱

發明

李時珍曰澤漆利水功類大戟故人見其莖有白汁遂誤以為大戟然大戟根苗皆有有毒洩人而澤漆根硬不可用苗亦無毒可作菜食而利丈夫陰氣甚不相伴也

附方

肺欬上氣脉沈者澤漆湯主之澤漆三斤以東流水五斗煎取一斗五升去滓入半夏半升紫參白前生薑各五兩甘草黃芩人參桂心各三兩煎取五升每服五合日三服

心下伏穀大如杯不得食者澤漆四兩大黃葶藶三兩搗篩蜜丸梧子大每服二九日三服

十腫水氣澤漆十斤夏月取嫩莖葉入水一斗碾汁約二斗於銀鍋內慢火熬如稀餡入瓶內收每日空心溫酒調下一匙以愈為度

水氣蠱病生鮮貓眼睛草曬乾為末煮肉丸彈子大每服二九白湯化下日二服覺腹中暖小便利為度

腳氣赤腫行步脚痛貓兒眼睛草驚蟄藤蜂窠等分每用一兩水五盞煎三盞熏洗之

牙齒疼痛貓兒眼睛草一搗爛爛湯泡取汁衝漱吐涎

男婦瘰癧貓兒眼睛草一二細井水二桶五月五日午時鍋內熬至一桶去滓澄清再熬至一盤瓶收每以葱椒槐枝煎湯洗瘡淨乃搽此膏數次愈

疥瘡有蟲貓兒眼睛草曬乾為末香油調搽之

澤瀉部彙考

釋名

黃芩

澤瀉

澤瀉

澤瀉

澤瀉

澤瀉

澤瀉

澤瀉

澤瀉

澤瀉

澤瀉

澤瀉

澤瀉

澤瀉

澤瀉

澤瀉

澤瀉

澤瀉

澤瀉

澤瀉

澤瀉

澤瀉

澤瀉

澤瀉

澤瀉

藹藹

牛膝

水瀉

水瀉

及瀉

禹孫

芒芋

神芝

澤瀉

澤瀉

澤瀉

澤瀉

澤瀉

澤瀉

澤瀉

澤瀉

澤瀉

澤瀉

澤瀉

澤瀉

澤瀉

澤瀉

澤瀉

澤瀉

澤瀉



澤瀉圖一

澤瀉

澤瀉

澤瀉



詩經

魏風汾沮洳

彼汾一曲言采其蕒

釋草云蕒牛脊李巡曰別二名郭璞引毛詩傳

曰水蕒也如續斷寸寸有節拔之可復陸璣疏云

今澤蕒也其葉如車前草大其味亦相似徐州廣

陵人食之

爾雅

釋草

蕒音音

今澤蕒 蕒一名蕒即藥草澤蕒也本草作澤

蕒一名水蕒一名及蕒一名芒芋一名鵠蕒陶注

云葉狹長叢生諸淺水中

蕒音音

毛詩傳曰水蕒也如蕒斷寸寸有節拔之可復

李巡云別二名郭云如續斷寸寸有節陸璣以

爲今澤蕒也郭氏所不取詩魏風汾沮洳云彼汾

一曲言采其蕒毛傳云蕒水蕒是也

毛詩陸疏廣要

言采其蕒

蕒今澤蕒也其葉如車前草大其味亦相似徐州

廣陵人食之

爾雅蕒牛脊郭註云毛詩傳曰水蕒也如蕒斷寸

寸有節拔之可復邢疏云李巡曰別二名郭云如

續斷璣以爲今澤蕒也郭氏所不取郭註云狀似

麻黃亦謂之續斷其節拔可復續生沙陝

按陸氏因毛傳水蕒誤爲澤蕒李巡已非之郭氏

因郭註如蕒斷直指爲續斷愈失其真矣又按爾

雅云蕒蕒註云今澤蕒疏云即本草澤蕒也本草

云澤蕒一名水蕒一名及蕒一名芒芋一名鵠蕒

並無蕒與水蕒之名又按本草云續斷一名龍頭

一名屬折一名接骨一名南草一名槐生亦無蕒

與水蕒之名至其莖葉花實之各異圖經已詳之

徐光啓農政全書

澤蕒考

俗名水蕒菜一名水蕒一名及蕒一名芒芋一名鵠

蕒生汝南池澤及齊州山東河陝江淮亦有漢中者

爲佳今水邊處處有之叢生苗葉其葉似牛舌草葉

紋脈堅直葉叢中間擲草對分莖又莖有線楞稍間

開三瓣小白花結實小青細子味甘葉味微鹹俱無

毒

救饑

采嫩葉燂熱水浸淘洗淨油鹽調食

本綱草目

澤蕒釋名

李時珍曰去水曰蕒如澤水之蕒也禹能治水故曰

禹孫餘未詳

集解

別錄曰澤蕒生汝南池澤五月采葉八月采根九月

采實陰乾

陶弘景曰汝南郡屬豫州今近道亦有不堪用惟用

漢中南鄭青州代州者形大而長尾間必有兩岐爲

蘇恭曰今汝南不復采惟以涇州華州者爲善

蘇頌曰今山東河陝江淮亦有之漢中者爲佳春生

苗多在淺水中葉似牛舌獨莖而長秋時開白花作

叢似穀精草秋末采根暴乾

根修治

雷敫曰不計多少細剉酒浸一宿取出暴乾任用

氣味

甘寒無毒

別錄曰鹹

甄權曰苦

張元素曰甘平沈而降陰也

李杲曰甘鹹寒降陰也

王好古曰陰中微陽入足太陽少陰經

扁鵲曰多服病人眼

徐之才曰畏海蛤文蛤

主治

本經曰風寒濕痺乳難養五臟益氣力肥健消水入

服耳目聰明不饑延年輕身面生光能行水上

別錄曰補虛損五臟痞滿起陰氣止洩精消渴淋瀝

逐膀胱三焦停水

甄權曰主腎虛精自出治五淋宣通水道

大明曰主頭旋耳虛鳴筋骨攣縮通小腸止尿血主

難產補女人血海令人有子

張元素曰入腎經去舊水養新水利小便消腫脹滲

洩止渴

李杲曰去胞中留垢心下水痞

李時珍曰滲濕熱行痰飲止嘔吐瀉痢痛脚氣

發明

蘇頌曰素問治酒風身熱汗出用澤瀉水深師方治支飲亦用澤瀉水但養法小別爾張仲景治維病心下有支飲苦冒有澤瀉湯治傷寒有大小澤瀉湯五苓散輩皆用澤瀉行利停水為最要藥

張元素曰澤瀉乃除濕之聖藥入腎經治小便淋瀝去陰間汗無此疾服之令人目盲

寇宗奭曰澤瀉之功長於行水張仲景治水蓄渴煩小便不利或吐或瀉五苓散主之方用澤瀉故知其長於行水本草引扁鵲云多服病人服誠為行去其水也凡服澤瀉散未有不小便多者小便既多腎氣焉得復實今人止洩精多不敢用之仲景八味丸用之者亦不過引接桂附等歸就腎經別無他意

王好古曰本經云久服明目扁鵲云多服昏目何也易老云去胞中留垢以其味鹹能瀉伏水故也瀉伏水去留垢故明目小便利腎氣虛故昏目

王履曰寇宗奭之說王好古難之竊謂八味丸以地黃為君餘藥佐之非止補血兼補氣也所謂陽旺則能生陰血也地黃山茱萸茯苓牡丹皮皆腎經之藥附子官桂乃右腎命門之藥皆不待澤瀉之接引而後至也則八味之用此蓋取其瀉腎邪養五臟益氣力起陰氣補虛損五勞之功而已雖能瀉腎從於諸補藥羣衆之中則亦不能瀉矣

李時珍曰澤瀉氣平味甘而淡淡能滲洩氣味俱薄所以利水而洩下脾胃有濕熱則頭重而目昏耳鳴澤瀉滲去其濕則熱亦隨去而土氣得令清氣上行天氣明爽故澤瀉有養五臟益氣力治頭旋聰明耳

目之功若久服則降令太過清氣不升真陰潛耗安得不目昏耶仲景地黃丸用茯苓澤瀉者乃取其瀉勝脫之邪氣非引接也古人用補藥必兼瀉邪邪去則補藥得力一闕一闕此乃元妙後世不知此理專一於補所以久服必致偏勝之害也

正誤

陶弘景曰仙經服食斷穀皆用之亦云身輕能步行水上

蘇頌曰仙方亦單服澤瀉一物搗篩取末水調日分服六兩百日體輕而健行

李時珍曰神農書列澤瀉於上品云久服輕身面生光能行水上典術云澤瀉久服令人身輕日行五百里走木上一名澤芝陶蘇皆以為信然愚竊疑之澤瀉行水瀉腎久服且不可又安有此神功耶其謬可知

藥氣味

鹹平無毒

主治

別錄曰大風乳汁不出產難強陰氣久服輕身大明曰壯水臍通血脉

實氣味

甘平無毒

主治

別錄曰風痺消渴益腎氣強陰補不足除邪濕久服面生光令人無子

發明

李時珍曰別錄言澤瀉葉及實強陰氣久服令人無

子而日華子言澤瀉能生補女人血海令人有子似有不同既云強陰何以令人無子既能催生何以令人有子蓋澤瀉同補藥能逐下焦濕熱邪氣邪氣既去陰強海淨謂之有子可也若久服則腎氣大洩血海反寒謂之無子可也所以讀書不可執一

附方

水濕腫脹白木澤瀉各一兩為末或為丸每服三錢茯苓湯下保命

冒暑霍亂小便不利頭運引飲三白散用澤瀉白木白茯苓各三錢水一盞薑五片燈心十莖煎八分溫服

支飲苦冒仲景澤瀉湯用澤瀉五兩白木二兩水二升煮一升分二服深師方先以水二升煮二物取一升又以水一升煮澤瀉取五合二汁分再服病甚欲眩者服之必瘥

腎臟風瘡澤瀉皂莢水煮爛焙碾煉蜜丸如梧子大空心溫酒下十五丸至二十九丸經方

瘡後怪證口鼻中氣出盤旋不散疑如黑蓋色過十日漸至肩與肉相連堅勝金石無由飲食煎澤瀉湯日飲三盞連服五日愈夏子益奇疾方

附錄酸惡

別錄曰主惡瘡去白蟲生水傍狀如澤瀉

沙參部彙考

釋名

沙參 本經

知母 別錄

虎鬚 別錄

鈴兒草 別錄

苦心 別錄

識美 別錄

白參 本經

地黃 別錄

羊乳 別錄

羊婆娑 別錄

文希 別錄

志取 別錄


沙參圖



杏葉沙參圖



細葉沙參圖



徐光啓農政全書

沙參考

一名知母一名苦心一名志取一名虎鬚一名白參一名識美一名文希生河內川谷及宛句般陽積山并瀋齊潞隨歸州而江淮荆湖州郡皆有今輝縣太行山邊亦有之苗長一二尺叢生崖坡間葉似枸杞葉微長而有叉牙鋸齒開紫花根如葵根赤黃色中正白實者佳味微苦性微寒無毒惡防己反藜蘆又有杏葉沙參及細葉沙參氣味與此相類但圖經內不曾該載此二種葉苗形容未敢併入本條今皆另條開載

救饑

掘根浸洗極淨換水煮去苦味再以水煮極熟食之

細葉沙參

生輝縣太行山山衝間苗高一二尺葉似蒿幹葉似石竹子葉而細長又似水蓼衣葉亦細長稍間開紫花根似葵根而蠶如指大皮色灰中開白色甜味微寒本草有沙參苗葉莖狀所說與此不同未敢

併入條下今另為一條開載於此

救饑

掘取根洗淨煮熟食之

本草綱目

沙參釋名

陶弘景曰此與人參元參丹參苦參是為五參其形不盡相類而主療頗同故皆有參名又有紫參乃牡蒙也

李時珍曰沙參白色宜於沙地故名其根多白汁徑人呼為羊婆娑別錄有名未用羊乳即此也此物無心味淡而別錄一名苦心又與知母同名不知所謂也鈴兒草葉花形也

集解

別錄曰沙參生河內川谷及宛句般陽積山二月八月采根暴乾

又曰羊乳一名地黃三月采立夏後母死

蘇恭曰出華山者為善

吳普曰二月生苗如葵葉青色根白實如芥根大如蕪菁三月采

陶弘景曰今出近道叢生葉似枸杞根白實者佳

韓保昇曰其根若葵根其花白色

蘇頌曰今瀋齊潞隨江淮荆湖州郡皆有之苗長一

二尺以來叢生崖壁間葉似枸杞而有叉丫七月開

紫花根如葵根大如指許赤黃色中正白實者佳二

月八月采根而土生者葉有細有大花白瓣上仍有

白粘此為小異

陳藏器曰羊乳根如薺苳而圓大小如拳上有角節

陳藏器曰羊乳根如薺苳而圓大小如拳上有角節

折之有白汁人取根當薺危苗作變折之有白汁
李時珍曰沙參處處山原有之二月生苗葉如初生
水葵葉而圓扁不光八九月抽莖高一二尺莖上之
葉則尖長如枸杞葉而小有細齒秋月葉間開小紫
花長二三分狀如鈴鐸五出白藥亦有白花者並結
實大如冬青實中有細子霜後苗枯其根生沙地者
長尺餘大一虎口黃土地者則短而小根莖皆有白
汁八九月采者白而實春月采者微黃而虛小人亦
往往蒸壓實以亂人參但體輕鬆味淡而短耳

根氣味

苦微寒無毒

別錄曰羊乳溫無毒

吳普曰沙參岐伯鹹神農黃帝扁鵲無毒李當之大

寒

王好古曰甘微苦

徐之才曰惡防己反藜蘆

主治

本經曰血結驚風除寒熱補中益肺氣

別錄曰療胃痹心腹痛結熱邪氣頭痛皮間邪熱安

五臟久服利人

又曰羊乳主頭腫痛益氣長肌肉

甄權曰去皮肌浮風疝氣下墜治常欲眠養肝氣宣

五臟風氣

大明曰補虛止驚煩益心肺并一切惡瘡疥癬及身

癢排膿消腫毒

李時珍曰清肺火治久欬肺痿

發明

張元素曰肺寒者用人參肺熱者用沙參代之取其
味甘也

王好古曰沙參味甘微苦厥陰本經之藥又為脾經
氣分藥微苦補陰甘則補陽故澤古取沙參代人參
蓋人參性溫補五臟之陽沙參性寒補五臟之陰雖
云補五臟亦須各用本臟藥相佐使隨所引而相輔
之可也

李時珍曰人參甘苦溫其體重實專補脾胃元氣因
而益肺與腎故內傷元氣者宜之沙參甘淡而寒其
體輕虛專補肺氣因而益脾與腎故金能受火尅者
宜之一補陽而生陰一補陰而制陽不可不辨之也

附方

肺熱欬嗽沙參半兩煎服之衛生易方

卒得痛氣小腹及陰中相引痛如絞白汗出欲死者

沙參搗篩為末酒服方寸匕立瘳針灸方

婦人白帶多因七情內傷或下元氣冷所致沙參為

末每服二錢米飲調下醫治要訣

水英部彙考

釋名

水英唐本草

水棘列內名

海精木嶺南名

龍移草嶺南名

水節信都名

海桂淮南名

魚津草嶺南名

牛荳草臨汝名

水英圖



本草綱目

水英釋名

蘇頌曰唐天寶單方圖言此草原生末陽池澤及河
海邊臨汝人呼為牛荳草河北信都人名水節河內
連內黃呼為水棘劔南遂寧等郡名龍移草淮南諸
郡名海桂嶺南亦有土地尤宜莖葉肥大名海精水
亦名魚津草

李時珍曰此草不著形狀氣味無以考證片菜亦名

水英不知是此否也

主治

蘇頌曰骨風

發明

蘇頌曰蜀人采其花合面藥凡丈夫婦人無故兩脚
腫滿連膝脛中痛屈伸急強者名骨風其疾不宜針
灸及服藥惟每日取此草五斤以水一石煮三斗及
熱浸并淋膝上日夜三四度不經五日即瘳數用神
驗春取苗夏采葉及花冬用根腫甚者加生椒目三
升水二斗用畢即摩粉避風忌油膩生菜豬魚等物

水松部彙考

圖缺

稽含南方草木狀

水松

水松葉如檜而細長出南海土產衆香而此木不大香故彼人無佩服者嶺北人極愛之然其香殊勝在南方時植物無情者也不香於後而香於此豈屈於不知己而伸於知己者歟物理之難窮如此

本草綱目

水松集解

陶弘景曰水松狀如松海人采食

蘇頌曰出南海及交趾生海水中

氣味

甘鹹寒無毒

主治

陶弘景曰溪毒

陳藏器曰水腫催生

垣衣部彙考

釋名

垣衣

天韭


昔邪

垣蕨

鼠韭

烏韭

垣衣圖



本草綱目

垣衣集解

別錄曰垣衣生古垣牆陰青苔衣也或屋上三月三日采陰乾

蘇恭曰此即古牆北陰青苔衣也其生石上者名昔邪一名烏韭生屋上者名屋遊形並相似爲療略同

江南少瀟故陶弘景云方不復用俗中少見也

李時珍曰此乃埤牆城垣上苔衣也生屋瓦上者即爲屋遊

氣味

酸冷無毒

主治

別錄曰黃疸心煩欬逆血氣暴熱在腸胃暴風口噤金瘡內塞酒漬服之久服補中益氣長肌肉好顏色李時珍曰搗汁服止衄血燒灰油和傳湯火傷

垣衣部藝文

賦得垣衣

唐李益

漠漠復霏霏爲君垣上衣昭陽臺下草應笑此生非掩傷青春去蒼茫白露晞猶勝萍逐水流浪不相依

垣衣部選句

齊王融詩垣衣不可裳

梁簡文帝詩綠階覆綠綺依簷映昔邪

唐皮日休詩香曼蒙龍覆昔邪

陸龜蒙詩石耳泉能洗垣衣雨爲裁

垣衣部雜錄

酉陽雜俎博雅在屋曰昔邪在牆曰垣衣廣志謂之蘭香生於久屋之瓦魏明帝好之今長安西載其瓦於洛陽以覆屋前代詞人詩中多用昔邪梁簡文帝詠薔薇曰綠階覆碧綺依簷映昔邪或言構木上多松栽土木氣洩則瓦生松

夢溪筆談崔融爲瓦松賦云謂之木也訪仙客而未詳謂之草也驗農皇而罕記段成式難之曰崔公博學無不該悉豈不知瓦松已有著說引梁簡文帝詩

依舊映昔邪成式以昔邪爲瓦松殊不知昔邪乃是垣衣瓦松自名昨葉何成式亦自不識

屋遊部彙考

圖缺

本草綱目

屋遊集解

別錄曰屋遊生屋上陰處八月九月采
陶弘景曰此古瓦屋上苔衣也剝取用之
李時珍曰其長數寸者卽爲瓦松也

氣味

甘寒無毒

主治

別錄曰浮熱在皮膚往來寒熱利小腸勝脫氣
李時珍曰煎水入鹽漱口治熱毒牙齦宜露碾末新
汲水調服二錢止鼻衄
開寶曰小兒癰熱時氣煩悶
徐之才曰止消渴

發明

李時珍曰別錄主治之證與本經烏韭文相同蓋一
類性氣不甚遙遠也

附方

大咬舊屋瓦上刮下青苔屑按之卽止

醫方

欽定古今圖書集成博物彙編草木典

第一百四十一卷目錄

葶藶部彙考

葶藶圖

禮記月令

爾雅釋草

汲冢周書時訓解

本草綱目葶藶

葶藶部紀事

葶藶部雜錄

葶藶部彙考

葶藶圖

詩經鄭風猶有芡小雅芡芡

爾雅釋草

陸佃埤雅芡

羅願爾雅翼芡

徐光啓農政全書芡醫考

本草綱目芡

直省志書芡蘇州同州

葶藶部選句

葶藶部紀事

葶藶部雜錄

葶藶部外編

芡蘭部彙考

芡蘭圖

詩經鄭風芡蘭

爾雅釋草

毛詩陸疏廣要芡蘭之支
本草綱目

草木典第一百四十一卷

葶藶部彙考

釋名

葶藶圖

丁歷別錄

大適本經

草爾雅

狗薺廣雅

大室本經

葶藶圖



禮記

月令

孟夏之月靡草死

註舊說云靡草薺葶藶之屬葶藶草無文故引舊

說以明之葶藶之屬以其枝葉靡細故云靡草

爾雅

釋草

草薺葶藶

註實葉皆似芥一名狗薺廣雅云葶藶一名葶藶

郭云實葉皆似芥廣雅又名狗薺本草一名丁歷

一名大室一名大適陶註云今近道亦有母則狗

薺子細黃至苦是也

汲冢周書

時訓解

小滿又五日靡草死靡草不死國經盜賊

本草綱目

葶藶釋名

李時珍曰名義不可強解

集解

別錄曰葶藶生薺城平澤及田野立夏後采實陰乾

陶弘景曰出彭城者最勝今近道亦有母即公薺也

子細黃至苦用之當熬

蘇頌曰今汴東陝西河北州郡皆有之曹州者尤佳

初春生苗葉高六七寸似薺根白色枝莖俱青三月

開花微黃結角子扁小如黍粒微長黃色月令孟夏

之月靡草死許慎鄭元注皆云靡草薺葶藶之屬是

也一說葶藶單莖向上葉端出角粗且短又有一種

狗芥草葉近根下作奇生角細長取時必須分別此二種也

雷敷曰凡使勿用赤鬚子真相似只是味微甘苦耳

李時珍曰按爾雅云草葶藶也郭璞注云實葉皆似芥一名狗薺然則狗芥即是葶藶矣葶藶有甜苦二種狗芥味微甘即甜葶藶也或云甜葶藶是葶藶子考其功用亦似不然

子修治
雷敷曰凡使葶藶以糯米相合置於糠上微焙待米熟去米搗用

子氣味
辛寒無毒

別錄曰苦大寒得酒良

甄權曰酸有小毒入藥炒用

李杲曰沈也陰中陽也

張仲景曰葶藶傳頭瘡藥氣入腦殺人

徐之才曰榆皮爲之使得酒長惡白殭蠶石龍芮

李時珍曰宜大寒

子主治
本經曰蠱癘積聚結氣飲食寒熱破堅逐邪通利水道

別錄曰下膀胱水伏雷熱氣皮間邪水上出面目浮腫身暴中風熱癰癰利小腹久服令人虛

甄權曰療肺癰上氣欬嗽止喘促除胃中痰飲

李時珍曰通月經

發明

李杲曰葶藶大降氣與辛酸同用以導腫氣本草十劑云洩可去閉葶藶大黃之屬此二味皆大苦寒一洩血閉一洩氣閉蓋葶藶之苦寒氣味俱厚不減大黃又性過於諸藥以洩陽分肺中之閉亦能洩大便爲體輕象陽故也

寇宗奭曰葶藶有甜苦二種其形則一也經既言味辛苦即甜者不復更入藥也大槩治體皆以行水走泄爲用故日久服令人虛蓋取苦泄之義藥性論不當言味酸

朱震亨曰葶藶屬火性急善逐水病人稍涉虛者宜遠之且殺人甚健何必久服而後虛也

王好古曰苦甜二味主治不同仲景瀉肺湯用苦餘方或有用甜者或有不苦甜者大抵苦則下泄甜則少緩量病人虛實用之不可不審本草雖云治同而甜苦之味安得不異

李時珍曰甘苦二種正如牽牛黑白二色急緩不同又如葫蘆甘苦二味良毒亦異大抵甜者下泄之性緩雖泄肺而不傷胃苦者下泄之性急既泄肺而易傷胃故以大棗補之然肺中水氣積滿急者非此不能除但水去則止不可過劑爾既不久服何至殺人淮南子云大戟去水葶藶愈脹用之不節乃反成病亦在用之有節耳

附方

陽水暴腫面赤煩渴喘急小便澀其效如神甜葶藶一兩半炒研末漢防己末二兩以綠頭鴨血及頭合

搗萬杵九梧子大甚者空腹白湯下十九輕者五九日三四服五日止小便利爲驗一加猪苓末二兩

外

通身腫滿苦葶藶炒四兩爲末棗肉和九梧子大每服十五九桑白皮湯下日三服此方人不甚信試之自驗

水腫尿澀梅師方用甜葶藶二兩炒爲末以大棗二十枚水一大升煎一升去棗入葶藶末煎至可九如梧子大每飲服六十九漸加以微利爲度 崔氏方用葶藶三兩絹包飯上蒸熟搗萬杵九梧子大不須蜜和每服五九漸加至七九以微利爲佳不可多服令人不堪若氣發服之得利氣下即止水氣無比蕭

駙馬水腫服此得瘥

電氣

外科精義治男婦大小頭面手足腫用苦葶藶炒研棗肉和九小豆大每服十九煎麻子湯下日三服五

七日小便多則消腫也忌鹹酸生冷

大腹水腫肘後方用苦葶藶二升炒爲末刺鴿雄雞血及頭合搗九梧子大每小豆湯下十九日三服

又方葶藶二升春酒五升漬一夜稍服一合小便當利 又方葶藶一兩杏仁二十枚並熬黃色搗分十

服小便去當瘥

腹脹積聚葶藶子一升熬以酒五升浸七日日服三合方全

肺濕痰喘甜葶藶炒爲末棗肉丸服方擴元

痰飲欬嗽合奇丸用曹州葶藶子一兩紙襯炒令黑

知母一兩貝母一兩爲末棗肉半兩沙糖一兩半和

九彈丸大每以新絲裏一丸含之噉津甚者不過三

九方中

欬嗽上氣不得臥或遍體氣腫或單面腫股足腫並

第五四三冊 之〇六藥


葶藶部紀事

華佗別傳有人苦頭眩頭不得舉目不得視積年佗使悉解衣倒懸令頭去地二寸濡布拭身體令周匝候視諸脈盡出五色佗令弟子數人以鉞刀決脈五色血盡視赤血出乃下以膏摩被覆汗出周匝飲以葶藶大血散立愈

葶藶部雜錄

博物志歲欲苦苦草先生苦草謂葶藶也藥譜葶藶別名良醫七首

蒺藜圖



詩經

鄭風牆有茨

牆有茨不可掃也又牆有茨不可裏也又牆有茨不可束也

注蒺藜也蔓生細葉子有三角刺人全大本草曰一名蒺藜注云子有刺狀如菱而小軍家鑄鐵作之以布敵路亦呼蒺藜

小雅楚茨

楚楚者茨言抽其棘

楚楚茨棘貌抽除也

楚楚茨棘貌抽除也

草文也郭璞曰布地蔓生子有三角刺是也

爾雅

釋草

蒺藜

蒺藜

蒺藜

注布地蔓生細葉子有三角刺人見詩疏茨一名蒺藜郭云布地蔓生細葉子有三角刺人見詩者按詩小雅云楚楚者茨是也

陸佃埤雅

主之葶藶子三升微火熬研以絹袋盛浸清酒五升

中冬七日夏三月初服如桃許大日三夜一多月日

二夜二量其氣力取微利下為度如患急者不待日

滿亦可絞服

肺壅喘急不得臥葶藶大棗瀉肺湯主之葶藶炒黃

揭末蜜丸彈丸大每用大棗二十枚水三升煎取二

升乃入葶藶一丸更煎取一升頓服亦主支飲不得

息

月水不通葶藶一升為末蜜丸彈子大絲裹納陰中

一寸一宿易之有汁出止

卒發顛狂葶藶一升搗三千杵取白犬血和丸麻子

大酒服一九三服取瘥

頭風疼痛葶藶子為末以湯淋汁沐頭三四度即愈

疳蟲蝕齒葶藶雄黃等分為末臘月猪油和成以絲

裹槐枝蘸點

白禿頭瘡葶藶末塗之

瘰癧已潰葶藶二合鼓一升搗作餅子如錢大厚三

分安瘡孔上艾作炷灸之令溫熱不可破肉數易之

而灸但不可灸初起之瘡恐葶藶氣入腦傷人也

馬汗毒氣入腹葶藶子一兩炒研水一升浸湯服取

下惡血

蒺藜

蒺藜布地蔓生子有三角刺人狀如菱而小蒺之言疾也一名茨可以茨牆故謂之茨牆有茨序曰國人疾之而不可道也正言蒺藜以此詩曰牆有茨不可掃也言欲掃去之反傷牆也以刺穢礙易曰據于蒺藜六三以柔乘剛故曰據于蒺藜據于蒺藜非所據而據焉者也今兵家乃鑄鐵爲之以梗敵路亦呼蒺藜韓詩外傳以爲春植桃李夏得蔭其下秋得食其實春植蒺藜夏不得采其葉秋得其刺焉故君子慎所立也師曠曰歲欲苦苦草先生苦草草孽也歲欲旱草草先生旱草蒺藜也

羅願爾雅翼

茨

茨蒺藜也布地蔓生細葉子有三角狀如菱而小刺人生道上長安最饒人行多著木屐故易以據于蒺藜言所恃傷也七諫曰江離棄於窮巷兮蒺藜蔓乎東廂東廂者宮室所嚴禮樂所在觀其所生以知治忽故瑞應圖云王者任用賢良則梧桐生於東廂今蒺藜生之以見所任之非人趙簡子曰夫植桃李者夏得其休息秋得其食焉蒺藜者夏不得休息秋得其刺焉以言陽虎所植之非其人則與七諫義同也詩牆有茨言衛公子頑國人疾之而不可道蓋茨雖可惡依牆以生欲掃去之則恐傷牆以喻公子頑雖可疾欲道之則恐傷國體叔孫怒季孫指楹而言曰雖惡是其可去乎亦此義也正義引媒氏云凡男女陰訟聽之于勝國之社勝國亡國也亡國之社掩其上而棧其下使無所遁故就之以聽陰訟明不當

宣露則其社之牆亦有茨不可知爾今軍旅亦以鐵作茨以布敵路謂之鐵蒺藜或云鐵蒺藜菱角等起於隋煬帝征遼爲之然六韜中已有此物鹽錯傳謂之渠谷諸葛亮卒于五丈原魏人追之長史楊儀多布鐵蒺藜則其來已久
徐光啓農政全書

蒺藜考

本草一名旁通一名屈人一名止行一名休羽一名升推一名蒺藜一名茨處處有之

救饑

收子炒微黃搗去刺磨細作燒餅或蒸食皆可

元扈先生曰本是勝藥嘗過

本草綱目

蒺藜釋名

陶弘景曰多生道上及牆上葉布地子有刺狀如菱而小長安最饒人行多著木屐今軍家乃鑄鐵作之以布敵路名鐵蒺藜易云據於蒺藜言其凶傷詩云牆有茨不可掃也以刺梗穢方用甚稀

李時珍曰蒺藜也蒺利也茨刺也其刺傷人甚疾而利也屈人止行皆因其傷人也

集解

別錄曰蒺藜子生馮翊平澤或道旁七月八月采實暴乾

蘇頌曰冬月亦采之黃白色郭璞注爾雅云布地蔓生細葉子有三角刺人是也又一種白蒺藜今生同州沙苑牧馬草地最多而近道亦有之綠葉細蔓綿布沙上七月開花黃紫色如豌豆花而小九月結實

作莢子便可采其實味甘而微腥褐綠色與豨薟子相類而差大又與馬藻子酷相類但馬藻子微大不堪入藥須細辨之

寇宗奭曰蒺藜有二等一等杜蒺藜即今之道旁布地而生者開小黃花結芒刺一種白蒺藜出同州沙苑牧馬處子如羊內腎大如黍粒補腎藥今人多用風家惟用刺蒺藜也

李時珍曰蒺藜葉如初生皂莢葉整齊可愛刺蒺藜狀如赤根菜子及細菱三角四刺實有仁其白蒺藜結莢長寸許內子大如脂麻狀如羊腎而帶綠色今人謂之沙苑蒺藜以此分別

子修治

雷斅曰凡使揀淨蒸之從午至酉日乾木臼春令刺盡用酒拌再蒸從午至酉日乾用

大明曰入藥不計丸散並炒去刺用

子氣味

苦溫無毒

別錄曰辛微溫

甄權曰甘有小毒

馬志曰其性宣通久服不冷而無壅熱當以性溫爲是

徐之才曰烏頭爲之使

子主治

本經曰惡血破癥積聚喉痺乳難久服長肌肉明目輕身

別錄曰身體風癢頭痛欬逆傷肺痿止煩下氣小兒頭瘡癰腫陰潰可作摩粉

甄權曰治諸風癱瘓瘰癧去燥熱

大明曰治奔豚腎氣肺氣胃隔滿催生腹胎益精療

水臧冷小便多止遺瀝泄精溺血腫痛

蘇頌曰痔漏陰汗婦人發乳帶下

李時珍曰治風濕及就蟲心腹痛

白葵藜氣味

甘溫無毒

白葵藜主治

李時珍曰補腎治腰痛泄精虛損勞乏

發明

蘇頌曰古方皆用有刺者治風明目最良神仙方亦

有單服葵藜法云不問黑白但取堅實者春去刺用

李時珍曰古方補腎治風皆用刺葵藜後世補腎多

用沙苑葵藜或以熬膏和藥恐其功亦不甚相遠也

刺葵藜炒黃去刺磨麪作餅或蒸食可以救荒

花主治

寇宗奭曰陰乾為末每溫酒服二三錢治白癰風

苗主治

李時珍曰煮湯洗疥癬風瘡作癢

附方

服食法葵藜子一石七八月熟時收取日乾春去刺

杵為末每服二錢新汲水調下日三服勿令中絕斷

穀長生服之一年以後冬不寒夏不熱二年老者復

少髮白復黑齒落更生服之三年身輕長生

腰脊引痛葵藜子搗末蜜和丸胡豆大酒服二九日

卒中五尸葵藜子搗末蜜九胡豆大每服二九日三

服

大便風秘葵藜子炒一兩猪牙皂莢去皮酥炙五錢

為末每服一錢鹽茶湯下

月經不通杜葵藜當歸等分為末米飲每服三錢

催生下衣難產胎在腹中并包衣不下及胎死者葵

藜子貝母各四兩為末米湯服三錢少頃不下再服

通身浮腫杜葵藜日日煎湯洗之

就蟲心痛吐清水七月七日采葵藜子陰乾方寸匕

日三服

萬病積聚七八月收葵藜子水煮熟曝乾蜜丸梧子

大每酒服七丸以知為度其汁煎如飴服之

三十年失明補肝散用葵藜子七月七日收陰乾搗

散食後水服方寸匕日三服

牙齒動搖疼痛及打動者土葵藜去角生研五錢淡

漿水半盞煎水入鹽溫漱甚效或以根燒灰貼牙即

牢固也

牙齒出血不止動搖白葵藜末旦旦擦之

打動牙疼葵藜子或根為末日日搗之

鼻塞出水多年不聞香臭者葵藜二握當道車碾過

以水一大盞煮取半盞仰臥先滿口含飯以汁一合

灌鼻中不過再灌噓出一兩箇息肉似赤蛭蟲即愈

面上癰瘰葵藜子山梔子各一合為末醋和夜塗旦

洗

白癰風疾白瘰葵子六兩生搗為末每湯服二錢日

二服一月絕根服至半月白處見紅點神效

一切丁腫葵藜子一升熬搗以醋和封頭上拔根

鼻流清涕葵藜苗二握黃連二兩水二升煎一升少

少灌鼻中取嚏不過再服

諸瘡腫毒葵藜蔓洗三寸截之以水五升煮取二升

去滓納銅器中又煮取一升納小器中煮如飴狀以

塗腫處

蠅蟻尿瘡邊身即死以葵藜葉搗傳之無葉用子

直省志書

萊蕪縣

物產白葵藜出同州者佳他邑無獨萊蕪有之

同州

方產白葵藜引蔓如刺葵藜而莖葉異紫花結莢實

大於蠶種腎形碧綠色

葵藜部選句

楚屈原離騷餐菰菰以盈至今判獨離而不服

漢東方朔七諫葵藜蔓乎東陌

唐柳宗元詩古道饒葵藜葵迴古城曲

蒺藜部紀事

說苑晉平公置酒虎邱之堂使郎中馬章布蒺藜於階上令人召師曠師曠至履而上堂平公曰安有人臣履而上人主堂者乎師曠解履刺足伏刺膝仰天而歎公起引之曰今者與叟戲叟遽憂乎對曰憂夫肉自生蟲而還自失也木自生蠹而還自刻也人自與妖而還自賊也五鼎之具不當生蒺藜人主堂廟不當生蒺藜平公曰今爲之奈何師曠曰妖已在前無可奈何人來月八日修百官立太子君將死矣至來月八日平日謂師曠曰叟以今日爲期寡人如何師曠不樂謁歸歸未幾而平公死乃知師曠神明陽虎得罪於衛北見簡子曰自今以來不復樹人矣簡子曰何哉陽虎對曰夫堂上之人臣所樹者過半矣朝廷之吏臣所立者亦過半矣邊境之士臣所立者亦過半矣夫堂上之人親劫臣於君朝廷之吏親危臣於衆邊境之士親劫臣於兵簡子曰唯賢者爲能報恩不肖者不能夫樹桃李者夏得休息秋得食焉樹蒺藜者夏不得休息秋得其刺焉今子之所樹者蒺藜也自今以來擇人而樹無已樹而擇之晉書宣帝本紀青龍二年諸葛亮率衆十餘萬出斜谷壘於郿之渭水南原帝與之對壘百餘日會亮病卒諸將燒營遁走百姓奔告帝出兵追之關中多蒺藜帝使軍士二千人著軟材平底木屐前行蒺藜悉著屐然後馬步俱進追到赤岸五行志義熙中宮城上及御道左右皆生蒺藜亦草妖也蒺藜有刺不可踐而行生宮牆及馳道天戒若曰人君不聽政雖有宮室馳道若空廢也故生蒺藜

蒺藜部雜錄

易經困六三困于石據于蒺藜蒺藜刺不可據之物三以不善之德居九二剛中之上其不安猶精刺也韓詩外傳春植蒺藜夏不得采其葉秋得其刺焉博物志歲欲旱早草先生早草謂蒺藜也藥譜蒺藜別名秦尖

蒺藜部外編

續搜神記沛國有一士人同生三子年將弱冠皆有聲無言忽有一人從門過因問曰此是何聲答曰是僕之子皆不能言客曰君可內省何以致此主人異其言思忖良久乃謂客曰昔爲小兒時當牀上有燕巢中有三子其母從外得哺三子皆出口受之積日如此試以指內巢中燕雛亦出口受之因以三蒼茨食之既而皆死昔有此事今實悔之客曰是也言訖其三子之言語忽然周穆蓋能知過之故也

芄蘭部彙考

釋名

芄蘭 詩經

蘼摩 詩經

所合子 拾遺

雞腸 拾遺

薰器 拾遺

婆婆鍼袋兒 俗名

蘼 爾雅

白瓊藤 拾遺

雀瓢 拾遺

羊婆妳 爾雅

婆婆鍼線包 俗名

芄蘭圖



詩經

衛風芄蘭

芄蘭之支童子佩觿芄蘭之葉童子佩觿釋草云蘼芄蘭郭璞曰蔓生斷之有白汁可啖陸璣疏云一名蘼摩幽州人謂之雀瓢毛以爲芄蘭之支性柔弱阿儺以與君子之德當柔潤溫良今君之德何以不溫柔而爲驕儺鄭以爲芄蘭之支柔弱恆延蔓於地有所依緣則起以與幼穉之君幼時聞昧於政有所任用乃能成其德

爾雅

釋草

蘼 爾雅

芄 爾雅

註 芄芄蔓生斷之有白汁可啖 蘼一名是芄蘭郭云蘼芄蔓生斷之有白汁可啖案如此註則以蘼芄一名蘭或傳寫誤芄衍字詩衛風云芄蘭之

支陸璣云一名蘼摩幽州人謂之雀瓢

毛詩陸疏廣要

衛風芄蘭

芄蘭之支

芄蘭一名蘿摩幽州人謂之雀瓢蔓生葉青綠色而厚斷之有白汁鬻為茹滑美其子長數寸似瓠子

爾雅云蘿芄蘭邢氏云蘿一名是芄蘭郭云蘿芄蔓生斷之有白汁可啖案如此註則以蘿芄一名蘭或傳寫誤芄衍字詩衛風云芄蘭之支郭氏云即蘿摩葉蔓生斷之有白汁可啖案云芄蘭柔弱恆蔓於地有所依緣則起沈括曰芄蘭之支支莢也芄蘭生莢支出於葉間垂之如觿狀其葉如佩韞之狀

按說文說苑石經俱作芄蘭之支許慎云枝木別生枝條也

本草綱目

蘿摩釋名

陳藏器曰漢高帝用子傳軍士金瘡故名斫合子李時珍曰白瓠即芄字之訛也其實嫩時有漿裂時如瓢故有雀瓢羊婆妳之稱其中一子有一條白絨長二寸許故俗呼婆婆鍼線包又名婆婆鍼袋兒也

集解

陶弘景曰蘿摩作藤生摘之有白乳汁人家多種之葉厚而大可生啖亦蒸食之謠云去家千里勿食蘿摩枸杞言其補益精氣強盛陰道與枸杞葉同

蘇恭曰按陸璣詩疏云蘿摩一名芄蘭幽州謂之雀瓢然雀瓢是女青別名也蘿摩葉似女青故亦名雀瓢女青葉似蘿摩兩葉相對子似瓢形大如棗許故名雀瓢根似白薇莖葉並臭生平澤別錄云葉嫩時

似蘿摩圓端大莖實黑

陳藏器曰蘿摩東人呼為白瓠藤生蘿落間折之有白汁一名雀瓢其女青終非白瓠二物相似不能分別

又曰斫合子作藤生蔓延蘿落間至秋霜合子如柳絮一名雞腸一名薰桑

李時珍曰斫合子即蘿摩子也三月生苗蔓延蘿垣極易繁衍其根白軟其葉長而後大前尖根與莖葉斷之皆有白乳如藕汁六七月開小長花如鈴狀紫白色結實長二三寸大如馬兜鈴一頭尖其殼青軟中有白絨及漿霜後枯裂則子飛其子輕薄亦如兜鈴子南人取其絨作坐褥代綿云甚輕暖詩云芄蘭之支童子佩觿芄蘭之葉童子佩韞觿音畦解結角錐也此物實尖垂於支間似之韞音涉張弓指彊也此葉後彎似之故以比興也一種莖葉及花皆似蘿摩但氣臭根紫結子圓大如豆生青熟赤為異此則蘇恭所謂女青似蘿摩陳藏器所謂二物相似者也蘇恭言其根似白薇子似瓢形則誤矣當從陳說此乃藤生女青與蛇銜根之女青名同物異宜互考之

子葉氣味

甘辛溫無毒

李時珍曰甘微辛

主治

唐本草曰虛勞補益精氣強陰道葉煮食功同子陳藏器曰搗子傳金瘡生膚止血搗葉傳腫毒李時珍曰取汁傳丹毒赤腫及蛇蟲毒即消蜘蛛傷癩治不愈者搗封二三度能爛絲毒即化作膿也

附方

補益虛損極房勞用蘿摩四兩枸杞根皮五味子柏子仁酸棗仁乾地黃各三兩為末每服方寸匕酒下日三服千金方
損傷血出痛不可忍用籬上婆婆鍼袋兒搗水服渣罌瘡口立效方補步